



















韓愈原道

孔子之易春秋自聖人以

來未有也韓

吏部原道等

篇自諸子以

來未有也

其見者小也

一句分明是

老子病源以

下五句乃一

篇主意

此以道德兩

字攻擊佛老

乃垂世立教

博愛之謂仁五字行而宜之之謂義七字繇是而之

焉之謂道八字足乎已無待于外之謂德十字句

四樣句法此仁與義為定名道與德為虛位此上句長

文章家巧處仁與義為定名道與德為虛位此上句長

短便頓挫成文故道有君子有小人而德有凶有吉此所以

老子之小仁義非毀之也其見者小也當看坐井

而觀天曰天小者非天小也彼以煦煦為仁孑孑為

義其小之也則宜此語出老其所謂道道其所道非

吾所謂道也其所謂德德其所德非吾所謂德也凡

吾所謂道德云者合仁與義言之也天下之公言也



列荀楊于孔  
孟未免見病  
于宋儒亦其  
李之未純處

此處說人從  
異端衍此六  
句方頓挫  
波瀾奪目音  
節傾耳  
又翻此老佛  
兩段作波瀾

老子所謂道德云者去仁與義言之也一人之私言也此一篇斷盡聖人之道與老子之道不同處更以莊子胠篋馬蹄篇觀之周道衰孔子沒火于秦三字黃老于漢四字佛于晉宋齊梁魏隋之間十字其言仁義道德云者不入于楊則入于墨不入于老則入于佛入于彼必出于此孟子說歸儒今變歸字為入文公去陳言自撰新入者主之出者奴之入者語只是把古人文章變化入于楊墨佛老者必出于聖人之學附之出者汗之主異端者必以聖人之道為奴附異端者必以聖人之道為汗噫後之人其欲聞仁義道德之說孰從而聽之老者曰孔子吾師之弟子也佛者曰孔子吾師之弟子也為孔子者習聞其說樂其誕而自小也



此人從異端之病源

以下六段皆今古相比並

不竟重複

農工賈三句

緊批上古今

四句讀之如

迅雷不及掩

耳句法亦新

奇

聖人治天下

有條理而此

段亦描寫甚

工

以下二十一

亦曰吾師亦嘗師之云爾不惟舉之于口而又筆之于書噫後之人雖欲聞仁義道德之說其孰從而求之甚矣人之好惟也不求其端不訊其末惟惟之欲聞古之為民者四今之為民者六古之教者處其一今之教者處其三農之家一而食粟之家六工之家一而用器之家六賈之家一而資焉之家六奈之何民不窮且盜也法好句古之時人之害多矣有聖人者立然後教之以相生相養之道此一段見得天地間人非佛老可及為之君為之師驅其蟲蛇禽獸而處之中土寒然後為之衣饑然後為之食木處而顛土



句凡十七箇  
為之字句法

文勢不竟重  
疊蓋六次轉

換也

賸通濟長次

宜率鋤八字

下得穩當不

可更易

此又見佛老  
之反于聖人  
所以可罪轉  
得便故無痕

一段中反誤

處而病也。然後為之。官室為之。工以贍其器用為之。  
賈以通其有無為之。醫藥以濟其天死為之。堊埋祭  
祀以長其恩愛為之。禮以次其先後為之。樂以宣其  
湮鬱為之。政以率其怠勸為之。刑以鋤其強梗相欺  
也。為之符璽斗斛權衡以信之。相奪也。為之城郭甲  
兵以守之。害至而為之。備患生而為之。防。  
此一段連下十七箇為之字變化九樣句法起伏頓挫如層峯疊巒如驚濤巨浪讀者快心暢意不覺其下字之重叠此章法也  
今其言曰。聖人不死。大盜不止。剖斗折衡而民不  
爭。嗚呼。其亦不思而已矣。  
文勢有頓挫  
如古之無聖人人  
之類滅久矣。  
此數句送文暢何也  
序同意可併看  
頓挫無羽毛鱗介以



如此甚有波瀾

鑒榜上承古之字來文字

乃錯綜

又反說一翻

句法長短不

齊參差可觀

此又見佛老

之反于聖人

處

突入帝王代古之字

居寒熱也。無爪牙以爭食也。是故君者出令者也。第一

句四臣者行君之令而致之民者也。第二句十字民者出

粟米麻絲作器皿通貨財以事其上者也。第三句十字

入長此君不出令則失其所以為君。第一句七字臣不行

君之令而致之民則失其所以為臣。七字民不出粟

米麻絲作器皿通貨財以事其上則誅。此是第三句二字章法

今其法曰必棄而君臣去而父子禁而相生相養之

道以求其所謂清淨寂滅者。嗚呼其亦幸而出于三

代之後而不見黜于禹湯文武周公孔子也。其亦不

幸而不出于三代之前不見正于禹湯文武周公孔



突入譬喻此  
下復破其清  
淨無爲之說

就上譬喻中  
生出回領甚  
便

朱儒訛其不  
及于格物致  
知亦是蓋天  
下國家許多  
事若非格物  
致知如何了  
得  
夫所謂句轉  
得健收拾前  
面許多說話  
生發後面許  
多意思

子也。帝之與王。其號名殊。其所以爲聖一也。夏葛而  
冬裘。渴飲而饑食。其事雖殊。其所以爲智一也。今其  
言曰。不爲太古之無事。佛老之言是亦責冬之裘者曰。  
曷不爲葛之之易也。責饑之食者曰。曷不爲飲之之  
易也。傳曰。古之欲明明德于天下者。先治其國。欲治  
其國者。先齊其家。欲齊其家者。先修其身。欲修其身  
者。先正其心。欲正其心者。先誠其意。援大學之言然則古  
之所謂正心而誠意者。將以有爲也。今也欲治其心  
而外天下國家。滅其天常。子焉而不父其父。臣焉而  
不君其君。民焉而不事其事。極論佛老之禍天下孔子之作春



句句復說應  
前面作尾

再提再收道  
字內包德字  
故只曰原道

秋也。諸侯用夷禮，則夷之；夷而進于中國，則中國之。

好句經曰：夷狄之有君，不如諸夏之亡。詩曰：戎狄是

膺，荆舒是懲。今也舉夷狄之法，而加之先王之教之

上，幾何其不胥而為夷也。好句夫所謂先王之教者，

何也？此二轉妙博愛之謂仁，行而宜之之謂義，繇是而之

焉，之謂道，足乎已，無待于外之謂德。其文，詩、書、易、春

秋，其法，禮、樂、刑、政，其民，士、農、工、賈。此二句短其位，君、臣、父

子，師、友、賓、主，昆、弟、夫、婦。此一句長其服，麻、絲，其居，宮、室。此二句

短句其食，粟、米、果、蔬、魚、肉。此一句又長其為道，易、明，而其為

教，易、行也。此一句合二句為一句，連下九箇其字變化六樣句法與前章為之字相應，此是



數句包大卒  
之旨在内至  
人鬼享止

軻之死句承  
上有力一篇  
精神在此

章是故以之為已則順而祥以之為人則愛而公以  
法之為心則和而平以之為天下國家無所處而不當  
上三句一樣句法第四句便變是故生則得其情死  
化十三字一句來此章法也則盡其常郊焉而天神假字廟焉而人鬼享字法曰  
斯道也何道也文有收拾曰斯吾之所謂道也非向  
有闕鎖所謂老與佛之道也堯以是傳之舜舜以是傳之禹  
禹以是傳之湯湯以是傳之文武周公文武周公傳  
之孔子孔子傳之孟軻軻之死不得其傳焉此四句絕妙  
六句直下來如良馬下峻嶺如輕舟荀與楊也擇焉  
下長湍若無一句攔截便不成文章而不精語焉而不詳文有頓挫繇周公而上上而為君故



轉指繁健

此是工意具  
大手段

其事行繇周公而下而為臣故其說長故伊川云

人之道不行孟軻沒聖人之道不傳道不行百然則

世無善治道不傳千載無真儒其說本于此

如之何而可也此一轉有萬鈞筆力不如曰不塞不

流不止不行佛老之道不塞聖人之道不流佛老人

其人法句火其書法句廬其居法句明先王之道以道之此

法句鰥寡孤獨廢疾者有養也此一句其亦庶乎其可

也一篇皆大議論

敖英曰昌黎原道一篇中間以數個古字今字一

正一反錯錯震蕩翻出許多議論波瀾其

學力筆力足以陵厲千古而莫之與京



張以忠曰闢邪崇正是一篇持世大文字至其筆力  
之雄識論之偉尤可橫絕古今

又曰宋儒直欲以伊洛湖關接統洙泗不知此  
公維護其間守先待後功政不小



評臣論

此篇是箴規  
攻擊體是反  
難文字之格  
當以范司諫  
書相參看  
辨論攻擊曲  
折詳盡道理  
平正辭復條  
暢名世之作

或問諫議大夫陽城于愈。可以為有道之士乎哉。

二字連下學廣而聞多。不求聞于人也。行古人之道。

居于晉之鄙。晉之鄙人薰其德而善良者幾千人。

從孟子炙大臣聞而薦之。天子以為諫議大夫。夫人皆

以為華陽子。不色喜。居于位五年矣。

字無喜色三字視其德如在草野。彼豈以富貴移易

其心哉。

其德貞夫子凶以取之愈應之曰。第一是

易所謂恒其德貞而夫子凶者也。

直在易蠱之上九云不事王侯高尚其



以蹇之六二  
二句影照見  
陽子不得不  
諫以蠱之上  
九形容之訟  
論絕高

今陽子句最  
有力以匹夫  
為諫官天下  
望為如何也

事蹇之六二。則曰王臣蹇蹇。匪躬之故。夫不以所居  
 之時不一。而所蹈之德不同也。若蠱之上九。居無用  
 之地。而致匪躬之節。以蹇之六二。在王臣之位。而高  
 不事之心。此一段六句是雙關文法。韓文公專喜用之。可以為法。則冒進之患  
 生。應無用匪曠官之刺興。應王臣不志不可則而尤  
 之。不終無也。蠱上九象曰。志可則也。蹇之六二。象曰。終無尤也。今陽子實一  
 匹夫在位。二字不為不久矣。聞天下之得失。六字不  
 為不熟矣。天子待之。四字不為不加矣。此三句上異。下同學孟子  
文法而未嘗一言及于政。視政之得失。若越人視秦人  
 之肥瘠。忽焉不加喜戚于其心。問其官。則曰諫議也。



問其三句文

法本左氏來

辭意極其透

切

下三段皆用

三且字為進

步作波瀾

將為祿仕一

轉更覺婉至

二問其祿則曰下大夫之秩也五問其政則曰我不

知也三字此三句上同有道之士固如是乎哉得

婉且吾聞之第二段有官守者不得其職則去有言責

者不得其言則去此兩句是今陽子以為得其言乎

哉得其言而不言與不得其言而不去無一可者也

陽子將為祿仕乎第三段古之人有云仕不為貧而

有時乎為貧謂祿仕者也宜乎辭尊而居卑辭富而

居貧若抱關擊析者可也此一段亦孟子說看他添

腐字減字變換前言便不陳蓋孔子嘗為委吏矣嘗為乘田矣亦不敢曠其職

必曰會計當而已矣必曰牛羊遂而已矣此一毀亦



前面意思已

說盡了生意

只說再說問

處餘旋一節

深于一節

有此一轉方

有波瀾

段二提起陽

子說而不犯

重

明目張膽說

甚疎暢最有

神采

他添字減字變換

前言便不陳腐

若陽子之秩祿不為卑且貧章章

明矣而如此其可乎哉

貶得婉

或曰否非若此也

第四段

夫陽子惡訕上者惡為人臣招其君之過而以為名者故雖諫且議使人不得而知焉書曰爾有喜謀嘉猷則入告爾后于內爾乃順之于外曰斯謀斯猷惟我后之德夫陽子之用心亦若此者愈應之曰若陽子之用心如此茲所謂惑者矣入則諫其君出不使人知者大臣宰相之事非陽子之所宜行也夫陽子本以布衣隱于蓬蒿之下主上嘉其行誼擢在此位官以諫為名誠宜有以奉其職使四方後代知朝



稟相生有  
經有緯而句  
法亦端莊可  
喜

此意最高折  
得他心服

以聖皆無心  
求聞用折倒  
不求聞不求  
用何以得其  
道不敢獨善  
其身折倒守  
其道而不變  
句仍引二聖  
一賢為証甚  
有步驟

廷有直言骨鯁之臣。天子有不僭賞從諫如流之美。  
庶巖穴之士聞而慕之。束帶結髮願進于闕下而伸  
其辭說。致吾君于堯舜熙鴻號于無窮也。若書所謂  
則大臣宰相之事非陽子之所宜行也。緊要重複提  
掇得醒學史  
記檀弓且陽子之心將使君人者惡聞其過乎。是啟  
文法之也。或曰。第五段陽子不求聞而人聞之。不求用而君  
用之。不得已而起。守其道而不變。何子過之深也。愈  
曰。自古聖人賢士皆非有心求于聞用也。閔其時之  
不平。人之不义。得其道不敢獨善其身。而必以兼濟  
天下也。孜孜矻矻死而後已。故禹過家門不入。孔席



此一段最當策切當

愈擊愈緊

名世之見名世之言

以賢不賢論

陽子其辭似婉而意愈緊

未自分疏而

以善人能受

盡言獎陽子

却亦回互得

好令陽子聞

之亦心平氣

和引過自責

矣

不暇暖而墨突不得黔彼二聖一賢者有權豈不知  
自安佚之爲樂哉誠畏天命而悲人窮也夫天授人  
以賢聖才能豈使自有餘而已誠欲以補其不足者  
也耳目之于身也耳司聞而目司見聽其是非視其  
險易然後身得安焉聖賢時人之耳目也時人聖賢  
之身也且陽子之不賢則將役于賢以奉其上矣若  
果賢則固畏天命而閔人窮也惡得以自暇逸乎哉  
或曰吾聞君子不欲加諸人而惡訐以爲直者若  
子之論直則直矣無乃傷于德而費于辭乎前五門  
子直是說他無逃避處末一段假或人攻擊陽  
之辭以攻已其言甚峻此文法量高好盡言以招



引前說後此  
意尤好

就應第四間  
就作掉尾應  
起處分毫不  
鬆此極文字  
匠手

人過國武子之所以見殺于齊也。吾子其亦聞乎。愈  
日。人來攻擊者甚急。君子居其位則思死其官。上一句說  
陽子未得位則思修其辭以明其道。下一句我將以明  
道也。非以為直而加人也。且國武子不能得善人而  
好盡言于亂國。是以見殺。傳曰：惟善人能受盡言。謂  
其聞而能改之也。韓文公所以敢攻擊陽子者亦靠  
必不怒。得陽子是一箇善人必能受盡言  
不怨。子告我曰：陽子可以為有道之士也。今雖不  
能及。已。陽子將不得為善人乎。到底不肯以有道許  
好人如何。民沒得好處。此末句結得絕妙。蘇東坡  
作范增論攻得他無逃避處。結句乃云：雖然增高帝  
之所畏也。增不去項羽不亡。  
增亦人傑也哉。正是學韓子。



茅 坤曰截然四問四答而首尾關鍵如一綫  
張以忠曰開閣卽揚捺縱呼吸極神奇變化之妙而  
峻論鴻詞尤其激宕深婉古今絕作



燕喜亭記

此文是先生  
初調段段有  
天造地設之  
巧直古今開  
闢手也

言得之無心

筆力著論俱  
奇絕天壤

太原王弘中在連州與學佛之人景常元慧者游異  
日從二人者行於其居之後丘荒之間上高而望得  
異處焉斬茅而嘉樹列發石而清泉激輦糞壤焚榴  
翳却立而視之出者突然成丘陷者呀然成谷窪者  
爲池而缺者爲洞若有鬼神異物陰來相之自是弘  
中與二人者晨往而夕忘歸焉乃立屋以蔽風雨寒  
暑既成愈請名之其丘曰埃德之丘蔽於古而顯於  
今有埃德之道也其石谷曰謙受之谷瀑曰振鷺之  
瀑谷言德瀑言容也其土谷曰黃金之谷瀑曰秩秩



用爾雅釋文  
体

音調璆然色  
理蒼然而照  
應尤密

字句繁簡修  
俱極意攝  
造

之瀑谷言容瀑言德也洞曰寒居之洞志其入時也  
池曰君子之池虛以鍾其美盈以出其惡也泉之源  
曰天澤之泉出高而施下也合而言之以屋曰燕喜  
之亭取詩所謂魯侯燕喜者頌也於是州民之老聞  
而相與觀焉曰吾州之山水名於天下然而無與燕  
喜者比經營於其側者相接也而莫值其地凡天作  
而地藏之以遺其人乎弘中自吏部侍郎貶秩而來  
次其道途所經自藍田山入商洛涉浙湍臨漢水升  
峴首以望方城出荆門下岷江過洞庭上湘水行衡山  
之下繇郴踰嶺猿狖所家魚龍所宮極幽遐瑰詭之



觀宜其於山水。飫聞而厭見也。今其意乃若不足傳。曰。智者樂水。仁者樂山。弘中之德。與其所好。可謂協矣。智以謀之。仁以居之。吾知其去是而羽儀於天朝。也不遠矣。遂刻石以記。

樓 昉曰看他規模布置前後節級相承處可與戴

氏堂比並看

茅 坤曰淋漓指畫之態是得記文正體而結局處特高

張以忠曰此文設想布局之奇位置法度之巧擬議變化之能轉折推敲之妙全有其勝而絕



無卓鍊斧鑿痕跡真出聖入神筆也



張中丞傳後叙

古論大觀載許遠論茲更

詳南霽雲于

高事

以下皆補翰所不及而發

揮

先了他事却

辨甚誣

破子弟之言

一段解

元和二年四月十三日夜○愈與吳郡張籍閱家中舊

書○得李翰所為張巡傳○巡上方無張字翰以文章自名○為此

傳頗詳密○然尚恨有闕者○不為許遠立傳○又不載雷

萬春事首尾○下載南霽雲事雷萬春疑當作南霽雲遠雖材○若不及巡

者○開門納巡○位本在巡上○授之柄而處其下○無所疑

忌○竟與巡俱守死○成功名城陷而虜與巡死先後異

耳○開上或疑當有然字兩家子弟材智下○不能通知二父志○以

為巡死而遠就虜○疑畏死而辭服於賊○遠誠畏死○何

苦守尺寸之地○食其所愛之肉○以與賊抗而不降乎○



洗發痛快入骨髓全是子長神解處

冷語感慨

此立論張本

三股爲二公解辨

當其圍守時外無虬蟬蟻子之援所欲忠者國與主耳而賊語以國亡主滅語方校作悟滅下或有悟之今按悟字無理且從諸本作語若果合有悟字卽是語字之訛但以字上若有語字或誤字或語之字或誤之字卽滅字下皆不當復有誤之字若以字上無此四遠見救援不至而種字而滅字下皆當有誤之字賊來益衆必以其言爲信外無待而猶死守人相食且盡雖愚人亦能數日而知死處矣遠之不畏死亦明矣烏有城壞其徒俱死獨蒙愧耻求活雖至愚者不忍爲嗚呼而謂遠之賢而爲之邪其徒上方有而字或又疑而字當在死字之下說者又謂遠與巡分城而守城之陷邪土方無之字自遠所分始以此詬遠此又與兒童之見無異詬或作語



以譬辨之  
不及本事  
破小人之言

以上專為世

之謗遠者訟

而直之以下

繹并八張巡

竝論本末

當時必有謂

二公當去之

大郡而守之

不當守睢陽

不邑以自困

者

兩人之功至

今不泯以數

言為之辨案

也

憤激明辨以

也

非人之將死其臟腑必有先受其病者引繩而絕之  
其絕必有處觀者見其然從而尤之其亦不達於理  
矣小人之好議論不樂成人之美如是哉如巡遠之  
所成就如此卓卓猶不得免其他則又何說當二公  
之初守也寧能知人之卒不救棄城而逆遁苟此不  
能守雖避之他處何益之卒或無之字及其無救而且窮也  
將其剝殘饑羸之餘雖欲去必不達二公之賢其講  
之精矣守一城捍天下以千百就盡之卒戰百萬日  
滋之師蔽遮江淮沮遏其勢天下之不亡其誰之功  
也之字非是當是時棄城而圖存者不可一二數擅



塞象口

以下南霽雲  
事凡乞救城  
陷二段

生色如畫

古今文編

卷十一

疆○兵○坐○而○觀○者○相○環○也○不○追○議○此○而○責○二○公○以○死○守○  
亦○見○其○自○比○於○逆○亂○設○淫○辭○而○助○之○攻○也○  
攻或作愈  
功非是

嘗○從○事○於○汴○徐○二○府○屢○道○於○西○府○間○  
府或作州親○祭○於○其○

所○謂○雙○廟○者○其○老○人○往○往○說○巡○遠○時○事○云○南○霽○雲○之○

乞○救○於○賀○蘭○也○  
方無之字賀○蘭○嫉○巡○遠○之○聲○威○功○績○出○已○

上○不○肯○出○師○救○愛○霽○雲○之○勇○且○壯○不○聽○其○語○彊○留○之○

具○食○與○樂○延○霽○雲○坐○霽○雲○慷○慨○語○曰○雲○來○時○睢○陽○之○

人○不○食○月○餘○日○矣○雲○雖○欲○獨○食○義○不○忍○雖○食○且○不○下○

咽○  
慄上或無霽  
雲字非是因○拔○所○佩○刀○斷○一○指○血○淋○漓○以○示○賀○

蘭○一○座○大○驚○皆○感○激○為○雲○泣○下○雲○知○賀○蘭○終○無○為○雲○



描寫

又即張籍言一段

出師意即馳去將出城抽矢射佛寺浮圖矢著其上

韃半箭曰吾歸破賊必滅賀蘭此矢所以志也箭或作箭

歸或作師非是愈貞元中過泗州船上人猶指以相語城陷

賊以刃脅降巡巡不屈即牽去將斬之又降霽雲雲

未應或無霽字巡呼雲曰南八男兒死耳不可為不義屈

雲笑曰欲將以有為也公有言雲敢不死即不屈欲將

或疑衍一字張籍曰有于嵩者少依於巡及巡起事嵩常

在圍中及巡或作及其常方作嘗籍大曆中於和州烏江縣見嵩

嵩時年六十餘矣或無下嵩字以巡初嘗得臨渙縣尉好

學無所不讀或無嘗字籍時尚小粗問巡遠事不能細也



生色

云巡長七尺餘鬚髯若神嘗見嵩讀漢書謂嵩曰何  
爲久讀此久或作又嵩曰未熟也巡曰吾於書讀不過三  
徧終身不忘也因誦嵩所讀書盡卷不錯一字嵩驚  
以爲偶熟此卷因亂抽他帙以試無不盡然嵩又取  
架上諸書試以問巡巡應口誦無疑嵩從巡久亦不  
見巡常讀書也爲文章操紙筆立書未嘗起草起方作有  
初守睢陽時士卒僅萬人城中居人戶亦且數萬巡  
因一見閭姓名其後無不識者或無戶字巡怒鬚髯輒張  
及城陷賊縛巡等數十人坐且將戮巡起旋其衆見  
巡起或起或泣或起或作猶起巡曰汝勿怖死命也衆泣不



結案

又了于嵩案

結法奇

能仰視巡就戮時顏色不亂陽陽如平常遠寬厚長  
 者貌如其心與巡同年生月日後於巡呼巡為兄死  
 時年四十九呼巡或作呼之嵩貞元初死於毫宋間或傳嵩  
 有田在毫宋間武人奪而有之嵩將詣州訟理為所  
 殺嵩無子張籍云嵩將上或有而字為下或有其字皆非是  
 張以忠曰此文風裁神雋體格圓爽折証則辭鋒陡  
 健摹寫則神采奮揚結調迴應益復奇妙  
 與柳州段太尉逸事並稱卓絕



今  
天  
糸

糸  
一  
一



巧者王承福傳

西山先生云  
韓文當以此

爲第一

此篇大槩以

二又曰字述

盡承福之爲

人後面却就

第二箇又曰

以下抑之就

第三箇又曰

以下揚之

此文以議論

行敘事體

巧者爲伎賤且勞者也有業之其色若自得者聽其  
言約而盡問之王其姓承福其名世爲京兆長安農  
夫天寶之亂發人爲兵持弓矢十三年有官勲棄之  
來歸喪其土田手鋤衣食餘三十年舍於市之主人  
而歸其屋食之當焉視其屋食之貴賤而上下其巧  
之傭以償之有餘則以與道路之廢疾餓者焉又曰  
粟稼而生者也若布與帛必蠶績而後成者也其他  
所以養生之具皆待人力而後完也吾皆賴之然人  
不可徧爲宜乎各致其能以相生也故君者理我所



此一段王承福所自省驗得力處故旨極痛切亦昌黎所力為洗發處故議論極轉換

應前轉

自此三末或一句一轉或數句一轉確容俯仰歎詠淫佚似此體格此筆力所謂妙絕古今者也

以生者也。而百官者。承君之化者也。任有小大。惟其所能。若器皿焉。食焉而怠其事。必有天殃。故吾不敢一日捨鋤。以嬉。夫鋤。一字。易能。二字。可力焉。三字。又誠有功。四字。取其值。雖力無媿。吾心安焉。夫力易強而有功也。心難強而有智也。用力者使於人。用心者使人亦其宜也。吾特擇其易為而無愧者取焉。噫。吾操鋤以入於富貴之家。有年矣。有一至者焉。又往過之。則為墟矣。有再至三至者焉。而往過之。則為墟矣。問其鄰。或曰。噫。刑戮也。或曰。身既死。而其子孫不能。有也。或曰。死而歸之官也。吾以是觀之。非所謂食焉。



就前所自見  
處翻案

又開一步感  
慨

又轉一步留  
作自己折衷  
處張本

怠其事而得天殃者耶。非強心以智而不足。不擇其  
才之稱否。而冒之者耶。非多行可愧。知己不可而強  
爲之者耶。將富貴難守。薄功而厚饗者耶。抑豐悴有  
時。一去一來而不可常者耶。吾之心憫焉。是故擇其  
力之可能者行焉。樂富貴而悲貧賤。我豈異於人哉。  
又曰。功大者。其所以自奉也。博妻與子。皆養與我者  
也。吾能薄而功小。不有之可也。又吾所謂勞力者。若  
立吾家而力不足。則心又勞也。一身而二任焉。雖聖  
者。不可能也。愈始聞而惑之。又從而思之。蓋賢者也。  
蓋所謂獨善其身者也。然吾有譏焉。謂其自爲也過。



韓公作傳全  
在此數語上

多其爲人也。過少其學。楊朱之道者。耶。楊之道。不可  
拔我。一毛。而利天下。而夫人以有家爲勞。心不肯一  
動其心。以畜其妻子。其肯勞其心。以爲人乎哉。雖然  
其賢於世之患不得之。而患失之者。以濟其生之欲  
貪邪。而亡道以喪其身者。其亦遠矣。又其言有可以  
警余者。故余爲之傳。而自覽焉。

張以忠曰。警世名言。千載藥石。而文法則神奇莫禦。



進學解

此文意義自

孔子不怨不

尤來可以明

李衛正士習

不特其文之

工而已

業精四句特

起此四句不

明不公文公

之意微有含

蓄

國子先生晨入太學招諸生立館下誨之曰業精于勤荒于嬉行成于思毀于隨方今聖賢相逢治具畢張拔去兇邪登崇俊良占小善者率以錄名一藝者無不庸爬羅剔抉刮垢磨光言成就人才蓋有幸而獲選幸字有孰云多而不揚諸生業患不能精無患有司之不明行患不能成無患有司之不公以上皆勉勵學者之詞

迂云語健

言未既有笑于列者曰先生欺予哉弟子事先

生于茲有年矣先生口不絕吟于六藝之文手不停

披于百家之編紀事者必提其要纂言者必鉤其玄

以下四段具見退之生平李力



叙此四段段兩句是  
段周悉句句讀書法

退之一生事

業全在闢佛

老故其文字

亦只在此處

陰炙人口

此兩句見文

公有功于聖

道處李漢叙

公文康謂先

生之于文推

隨廓清之功

比于武事可

謂雄偉不羣

者矣正謂此

也

上規二字直

兩句是讀書法

貪多務得細大不捐焚膏油以繼晷恒兀兀

以窮年先生之業可謂勤矣

以上稱其勤于已業

詆排異端攘

斥佛老補苴罅漏

補綴緝也苴苞裹也謂綴緝包裹儒術之罅隙漏孔處

張皇

幽眇

道之幽而隱微眇而小

尋墜緒之茫茫獨旁搜

而遠紹障百川而東之廻狂瀾于既倒先生之于儒

可謂勞矣

以上稱其勞于衛道

沈浸醲郁含英吐華作為文章

其書滿家上規姚姒渾渾無涯周誥殷盤

周誥謂大誥康誥酒誥

誥召詔洛誥是也殷盤謂盤庚上中下三篇是也

佶屈聱牙

難讀

春秋謹嚴

左氏浮誇易奇而法詩正而葩

藻麗

逮莊騷

莊子太

離騷

史所錄

遷之子雲相如同工異曲

而猶樂之同工

先生

先生



管至正而能

止下逮二字

直管至異曲

止

至躬行處語

偏寥寥

主張全在此

教句

反前無患有

司不明不公

之意

之於文可謂閎其中而肆其外矣以上稱文少始知

學勇於敢為長通於方左右具宜先生之於為人可

謂成矣以上稱為人之成立○孫云上四段稱美此

然而公不見信于人私不見助于友跋前疐後動輒

得咎暫為御史遂竄南夷貶連州令三年博士冗不見治

命與仇謀取敗幾時冬暖而兒號寒年豐而妻啼饑

頭童齒豁竟死何裨不知慮此反教人為先生曰吁

子來前夫大木為杗棟細木為桷榑櫨櫨侏儒侏儒闌闌店店楔

來大樑桷桷也榑櫨二者梁上短柱也侏儒短椽之

屬椳戶樞也闌門中楔也店門扇也楔門兩旁木也

以丘氏醫師  
引起率相用



人處自是正  
理有規諷時  
相意

引二子不過  
以自解然以  
荀與孟並似  
擬非其倫

青芝

四者皆貴藥玉札玉屑也丹砂朱砂也

牛溲馬勃敗鼓之皮

三者皆賤

藥牛溲牛溺也馬勃生濕地如菰而員且輕

俱收並蓄待用無遺者醫師

之良也登明選公雜進巧拙紆餘

屈曲貌

為妍卓犖為

傑校短量長惟器是適者宰相之方也昔者孟軻好

辯孔道以明轍環天下卒老于行荀卿守正大論以

興逃讒于楚廢死蘭陵

荀卿疾濁世之政亡國亂君相屬鄙儒小物如莊周等又

滑稽亂俗于是推儒墨道德之行事是二儒者吐辭

為經舉足為法絕類離倫優入聖域其遇于世何如

也

言二賢不遇正以自解

今先生學雖勤而不繇其統言雖多

而不要其中文雖奇而不濟于用行雖修而不顯于



段凡二轉勞  
若寶珠

有閑東有照  
應讀昌黎之  
字只于每篇  
結斷處細玩  
便見昌黎所  
以成一家言  
人不可及

衆

四句解前  
四段意

猶且月費俸錢歲糜廩粟子不知耕婦

不知織乘馬從徒安坐而食踵常途之役役窺陳編

以盜竊然而聖主不加誅宰臣不見斥茲非其幸歟

動而得謗名亦隨之投閑置散乃分之宜上四句解  
動輒得咎

及遂竄南夷等意若夫商財賄之有無計班資之崇痺忘已

量之所稱指前人之瑕疵是所謂詰匠氏之不以杙

爲楹杙楹也楹  
大柱也而訾醫師以昌陽引年欲進其穉苓

也昌陽卽菖蒲也味辛無毒久服身輕不老延年穉  
苓卽猪苓也此段見無嗟悲尤人之心以終解

弟子之意又應前  
醫師匠氏二說

孫樵曰韓吏部進學解拔地倚天句句欲活如赤



手捕長蛇不施控勒騎生馬大肯出于東  
方客難楊雄解嘲班固答賓戲而公過之  
張以忠曰刊落陳言獨特正論敷局布調直堪橫軼  
古今度越諸子



起首大意說  
兩句關鎖好  
承接緊有精  
神

此段論道在  
即師在是絕  
世議論可破  
世俗之見此  
篇無此說便  
不精神

此數句直令  
人慚愧

# 師說

古之學者必有師。師者所以傳道授業解惑也。第一段立  
傳道授業解惑三大綱人非生而知之者孰能無惑惑而不從  
師其為惑也終不解矣。第二段先說解生乎吾前其  
聞道也固先乎吾吾從而師之生乎吾後其聞道也  
亦先乎吾吾從而師之吾師道也夫庸知其年之先  
後生于吾乎是故無貴無賤無長無少道之所存師  
之所存也。第三段嗟乎師道之不傳也久矣欲人之無  
疑惑也難矣。第四段古之聖人其出人也遠矣猶且從  
師而問焉今之眾人其去聖人也亦遠矣而耻學于



此高一等說

話翻前人非

生知之說

休貼人情親

切

結上二句有

筆力

小學句有閑

鎖

反猥劇論意

甚切至

位卑二句妙

此篇最是結

得段段有力

師是故聖益聖。古之愚益愚。今之聖人之所以為聖。

愚人之所以為愚其皆出于此乎。第五段此是雙關文法看他巧處

愛其子擇師而教之于其身也則耻師焉惑矣彼童

子之師授之書而習其句讀者也非吾所謂傳其道

解其惑者也句讀之不知惑之不解。此是雙關文法要看他巧處

或師焉或不焉。此二段亦是愛其子擇師而教句讀之不知或師焉與小學相貫惑之不解

此是文公弄巧作文小學而大遺吾未見其明也

第六段巫醫樂師百工之人不耻相師士大夫之族曰

師曰弟子云者則羣聚而笑之問之則曰彼與彼年

相若也道相似也位卑則足羞官盛則近諛嗚呼師



中間三段自  
有三意說起  
然大槩意思  
相承都不失  
師道本意  
轉換起得佳  
說得好又應  
前書師道處  
意細目不亂  
結得有力  
能行古道古  
字與篇首古  
之李者古字  
相應

道之不復可知矣。第七段四句應無長巫醫樂師百

工之人。君子鄙之。今其智乃反不能及。可恠也歟。第八

段聖人無常師。萇弘師襄老聃。郊子之徒。其言不及

孔子。孔子曰。三人行。必有我師焉。故弟子不必不如

師。師不必賢于弟子。聞道有先後。術業有專攻。如斯

而已。第九段說孔子無常師。問樂于萇弘。問禮于老

聃。即問之。即以師待之。此李氏子蟠年十七。蟠貞元十

好古文。六藝經傳皆通習之。不拘于時。請學于余。余

嘉其能行古道。作師說以貽之。第十段收歸弟子李

氏子從學之意作師



洪 邁曰 柳子厚荅韋中立書云今之世不聞有師

獨韓愈不顧流俗犯笑侮收召後學作師  
說因抗顏爲師愈是以得狂名余觀退之  
師說云弟子不必不如師師不必賢于弟  
子其言非好爲人師者也此篇如常山之  
蛇救首救尾若隱若見令人難識

張以忠曰 聖無常師唯道所在人唯不知學道所以  
不知求師烏知聖益聖愚益愚蓋繇于此  
語語警切大足醒世



諱辯

賀父晉肅邊  
上從事賀年  
七歲以長短  
之製名動京  
華一日舉進  
士或謗賀不  
避家諱文公  
特著諱辯一  
篇又張昭論  
舊君諱云周  
穆王諱滿至  
定王時有王  
孫滿者厲王  
諱胡至莊王  
之子名胡其  
比甚多退之  
諱辯取此意

愈與李賀書勸賀舉進士。賀舉進士。有名與賀爭名者。毀之曰。賀父名晉肅。賀不舉進士。為是勸之舉者。為非聽者。不察和而倡之。同然一辭。皇甫湜曰。子與賀且得罪。愈曰。然。律曰。二名不偏諱。釋之者曰。謂若言微不稱在。言在不稱微。是也。律曰。不諱嫌名。釋之者曰。謂若禹與雨。丘與菑之類。是也。烏菑草名。詩音義。江東呼為烏菑。記曲禮。不諱嫌名。不偏諱。註為其難避也。嫌名謂聲音相近。若禹與雨。丘與菑也。偏諱。二名不一諱也。孔子母名徵。在言在不稱微。言微不稱在。今賀父名晉肅。賀舉進士。為犯二名律乎。為犯嫌名律乎。父名晉子不得舉進士。若



此二句設疑問不直說破

此意法也

波瀾

理強氣直意高詞嚴最不可及者有道

理可以折服人全不直設

破盡是設疑

佯為兩可之辭待人自擇

別是一樣文法從孟子來

此二句又設疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

疑問之不直說破妙甚

父名仁子不得為人乎有議夫諱始於何時作法制

以教天下者非周公孔子歟引古人以証周公作詩

不諱謂文王名昌武王名發若曰克昌厥後又曰駿發爾私則不諱也孔子不偏諱

二名若曰宋不足徵又曰某在斯春秋不譏不諱嫌名若衛桓公名完康

王釗之孫實為昭王周康王名釗書周敬保元子釗曾參之父名皙

曾子不諱昔若曰昔者吾友又曰楊裘而弟周之時有騏期漢之時

有杜度杜操字伯度曹魏時人以其名同武帝故因以其字呼之又去其伯字止乎為杜度云

此其子宜如何諱將請其嫌遂諱其姓乎將不諱其

嫌者乎漢諱武帝名徹為通不聞又諱車轍之轍為

某字也諱呂后名雉為野鷄不聞又諱治天下之治



自周公作詩至此凡七事

變化八樣句法極鏗鏘有力

力

考之于經質

之于律稽之

于典三段中

辯得曲折如

虬龍之不可

羈絡一總處

尤有歸宿至

于末後四轉

尤奇

為某字也今上章及詔不聞諱勢近太宗廟諱秉近代宗廟諱機近玄宗廟諱祖廟諱

官宮妾此一段盡是不諱嫌名事再用官宮妾承上二段有力乃不敢言諭及

機以為觸犯抑士君子立言行事宜何所法守也將

收歸周孔曾參事且問起何今考之於經質之於律

稽之以國家之典賀舉進士為可耶為不可耶凡事

父母得如曾參可以無譏矣取意作人得如周公孔

子亦可以止矣今世之士不務行周公孔子之行而

諱親之名則務勝於周公孔子亦見其惑也亦以人情反說

夫周公孔子曾參卒不可勝勝周公孔子曾參乃比

諱辯二



於宦官宮妾

警策

則是宦官宮妾之孝於其親賢於周

公孔子曾參者耶

敖

鯤曰避諱始于周人其說襍出禮記諸書然大

意不過如韓公所引而已此文明白痛快

無可復疑而唐人終不以爲然故舊史稱

韓公之文而云有大紕繆者蓋指此篇也

茅

坤曰此文前分經律典三段後尾抱前辯難反

覆顯快

張以忠曰波瀾層折奇曲俊辯



平淮西碑

此文序如書  
銘如詩  
通篇次第戰  
功摹倣史漢  
而其辭旨特  
自出機軸其  
最好處在得  
臣下頌美天  
子之體  
曲護却好  
文恬武嬉所  
以迄唐世不  
振

天以唐克肖其德聖子神孫繼繼承承于千萬年敬  
戒不忘全付所覆四海九州罔有內外悉主悉臣高  
祖太宗既除既治高宗中睿休養生息至于玄宗受  
報收功極熾而豐物衆地大孽牙其間肅宗代宗德  
祖順考以勤以容大憲適去稂莠不孳奴豆反又奴  
以刺地除草相臣將臣文恬武嬉習熟見聞以為當  
詩以孳茶蓼毛反孳器也  
然睿聖文武皇帝既受羣臣朝帝下或有陛下字非字乃考圖  
數貢祝曰謂考輿地之廣狹計貢賦之至與不至曰嗚呼天既全付予有  
家今傳次在予予不能事事其何以見于郊廟羣臣



從他處叙及  
平淮

將起特遲扭

包藏不可遺  
又不可露

震懾奔走率職明年平夏

綏銀節度留後李惠琳叛兵馬使張承金討斬之

又明年平蜀

劔南節度韋臯卒行軍司馬劉闢自稱留後東川節度高崇文擒劉闢以獻蜀下方有西川字云

又明年平江東又明年平澤潞

劉闢求都統三川方

圍梓州而敗亂固不及他郡也○今按既圍梓州則

亂已及東川矣方說非是○鎮州招討使吐突承璀

執昭義節度盧遂定易定○義成節度張茂昭以司致魏

從史歸京師博具衛渾相魏博節度田弘正以無不從志皇帝曰

不可究武予其少息作窮九年蔡將死蔡人立其子

元濟以請不許遂燒舞陽犯葉襄城以動東都放兵

四劫皇帝歷問于朝一二臣外今按此句若作外臣則當時朝臣自以伐

蔡為不可非獨外臣也若作一二臣則當時舉朝之臣皆以伐蔡為不可又非獨一二人也考之下文所



筆法嚴古

思與氣俱展  
雋偉

以下撰次如  
畫溝塗可觀

遣將次第

謂一二臣同不為無助者又正指武元衡裴度一二  
 人贊伐蔡之謀者而言則此乃謂唯一二臣以為可  
 而其外羣臣皆以為不可耳諸本作外皆曰蔡帥之  
 臣及無外字皆非是唯作臣外者得之  
 不廷授於今五十年帥或作師於或作于傳三姓四將其樹本  
 堅兵利卒頑不與他等因撫而有順且無事大官臆  
 決唱聲萬口和附并為一談牢不可破并或皇帝曰  
 唯天唯祖宗所以付任予者庶其在此予何敢不力  
 天上或有大字况一二臣同不為無助有固字或日光  
 非是或無何字  
 顏汝為陳許帥維是河東魏博邠音合在同陽三軍  
 之在行者汝皆將之曰重胤汝故有河陽懷今益以  
 汝維是朔方義成陝益鳳翔延慶七軍之在行者汝



皆將之

延慶本或作鄜延寧慶

曰弘汝以卒萬二千屬而子公

武往討之

曰文通汝守壽維是宣武淮南宣歙浙西

四軍之行于壽者汝皆將之曰道古汝其觀察鄂岳

曰愬汝帥唐鄧隨各以其兵進戰曰度汝長御史其

往視師曰度惟汝子同汝遂相予以賞罰用命不用

命曰弘汝其以節都統諸軍曰守謙汝出入左右汝

惟近臣其往撫師

汝惟方作惟汝

曰度汝其往衣服飲食予

士無寒無饑以旣厥事遂生蔡人

方無服飲字或無服字有飲字或無

衣服字寒下或無無字

賜汝節斧通天御帶衛卒三百凡茲廷

臣汝擇自從惟其賢能無憚大吏庚申予其臨門送

有法

歸重慶處凡三見



用意着閑語

以下諸將會戰次第

公以元濟之平由度能固天子意得不赦卒擒之多歸度功而李勣特以入蔡功居第一勣妻唐安公主女也出入禁中許禪不實帝詔斷其文更命翰林學

汝曰御史。予閔士大夫戰甚苦。自今以往。非郊廟祠

祀。其無用樂。祀下或無其字顏胤武合攻其北。大戰十六得

柵城縣二十三。降人卒四萬。此謂降其民于卒也。故下語皆不再出人卒字。

○今按莊子云人卒雖聚。公語亦有自也。道古攻其東南。八戰降萬三千

再入申。破其外城。降下或卒字文通戰其東。十餘遇降萬

二千。勣入其西。得賊將。輒釋不殺。用其策。戰比有功。

比或作皆十二年八月。丞相度至師。都統弘責戰益急。顏

胤武合戰。益用命。元濟盡并其衆。洄曲以備。師或作帥。非是。

洄方作廻。今十月壬申。勣用所得賊將。自文城因

按洄與史合。天大雪。疾馳百二十里。用夜半到蔡。破其門。取元濟



士段文段為之見舊史公

傳成功

次賞功次第

有差

叔功不逮守謙終有力量

以獻盡得其屬人卒馳或作走辛巳丞相度入蔡以皇帝命救其人淮西平大饗賚功師還之日因以其食賜蔡人凡蔡卒三萬五千其不樂為兵願歸為農者十九悉縱之斬元濟京師冊功弘加侍中愬為左僕射帥山南東道顏胤皆加司空公武以散騎常侍帥鄜坊丹延道古進大夫文通加散騎常侍道古時已為中丞故不復言御史也按古道墓志亦可考今丞相度朝京師道封晉國公進階金紫光祿大夫以舊官相或無道字或作進或無國字而以其副總為工部尚書領蔡任既還奏羣臣請紀聖功被之金石皇帝以命臣愈臣愈再拜稽首而獻文曰



頌文淋瀝從  
橫竝合繩答  
回護

推國政衰弛  
之由小雅盡  
發之攻也

田典宗

王承宗李師  
道

刺武元衡又  
刺裴度不中

唐承天命。遂臣萬邦。孰居近土。襲盜以狂。往往在玄宗。崇極而圯。河北悍驕。河南附起。四聖不宥。屢興師征。有不能尅。益戍以兵。夫耕不食。婦織不裳。輸之以車。爲卒賜糧。外多失朝。曠不獄狩。百隸怠官。事忘其舊。帝時繼位。顧瞻咨嗟。惟汝文武。孰恤予家。旣斬吳蜀。旋取山東。魏將首義。六州降從。淮蔡不順。自以爲彊。提兵叫譴。欲事故常。始命討之。遂連姦鄰。陰遣刺客。來賊相臣。方戰未利。內驚京師。羣公上言。莫敢惠來。帝爲不聞。與神爲謀。乃相同德。以訖天誅。乃敕顏胤。愬武古通。咸統于弘。各奏汝功。三方分攻。五萬其師。



細而工

可想其喜戰之意

看用字

頌君之體

武功告成太

平氣象

見其無所避

忌之意

見其無所勞

役之意

大軍北乘。厥數倍之。常兵時曲。軍士蠢蠢。既翦陵雲。  
蔡卒大窘。勝之邵陵。鄧城來降。自夏入秋。復屯相望。  
兵頓不勵。告功不時。帝哀征夫。命相往釐。士飽而歌。  
馬騰於槽。試之新城。賊遇敗逃。盡抽其有。聚以防我。  
西師躍入道。無畱者。頌頌。即頌字蔡城其壘千里。既入。  
而有莫不順。俟帝有恩言。相度來宣。誅止其魁。釋其。  
下人。蔡之卒夫。投甲呼舞。蔡之婦女。迎門笑語。蔡人。  
告饑。船粟往哺。蔡人告寒。賜以繒布。始時。蔡人禁不。  
往來。今相從戲里門。夜開始時。蔡人進戰。退戮。今盱。  
而起。左殮右弼。爲之擇人。以牧餘億。選吏賜牛。教而。



王者之政

平淮之外復

縱一着

用蔡人語感

動鄰國

一總

惟斷二句平

淮之宰今

所稱

結甚安閑不

不盡之意

不稅蔡人有言始迷不知今乃大覺羞前之爲蔡人  
有言天子明聖不順族誅順保性命汝不吾信視此  
蔡方孰爲不順往斧其吭凡叛有數聲勢相倚吾強  
不支汝弱奚恃其告而長而父而兄奔走偕來同我  
太平淮蔡爲亂天子伐之既伐而饑天子活之始議  
伐蔡鄉士莫隨既伐四方小大竝疑不赦不疑繇天  
子明凡此蔡功惟斷乃成既定淮蔡四夷畢來遂開  
明堂坐以治之

樓 昉曰布置回護叙事有法

又曰看他抑揚起伏鋪張回護布置收拾之法



當與元和聖德詩參看

敖 鯤曰書法謹嚴通篇只叙事不着一句議論

張以忠曰莊雅鏗鏘雍容典碩金石文章此爲冠絕  
當時用段文昌改作而姚鉉亦不錄是篇  
何也

又曰天子威德鋪張冠冕其文如清廟明堂如  
湯盤禹鼎可稱振古絕倫



祭十二郎文

年月日

文苑作貞元十九年五月二十六日

季父愈聞汝喪之七日乃

讀諸葛孔明出師表而不墮淚者其人必不忠讀李

令伯陳情表而不墮淚者

其人必不孝讀韓退之祭

十二郎文而不墮淚者其

人必不友

叙自幼艱苦

之狀平生離

合之因令人

悲酸其薦厚

能銜哀致誠使建中遠具時羞之奠告汝十二郎之  
嚶嗚呼吾少孤及長不肖所怙惟兄嫂是依中年兄  
歿南方吾與汝俱幼從嫂歸壟河陽既又與汝就食  
江南零丁孤苦未嘗一日相離也吾上有三兄皆不  
幸蚤世承先人後者在孫惟汝在子惟吾兩世一身  
形單影隻嫂常撫汝指吾而言曰韓氏兩世惟此而  
已汝時尤小當不復記憶吾時雖能記憶亦未知其  
言之悲也吾年十九始來京城其後四年而歸視汝



天倫之意謂  
然可掬

自吾年十八  
以下追叙其  
合離之不常  
卒不可合而  
遽死詞直情  
真一字一淚

又四年。吾往河陽省墳墓。遇汝從嫂喪來塋。又二年。吾佐董丞相於汴州。汝來省吾。止一歲。請歸取其孥。明年丞相薨。吾去汴州。汝不果來。是年吾佐戎徐州。使取汝者始行。吾又罷去。汝又不果來。吾念汝從于東。東亦客也。不可以久。圖久遠者。莫如西歸。將成家而致汝。嗚呼。孰謂汝遽去吾而歿乎。吾與汝俱年少。以爲雖暫相別。終當久與相處。故捨汝而旅食京師。以求斗斛之祿。誠知其如此。雖萬乘之公相。吾不以一日輟汝而就也。去年孟東野往。吾書與汝曰。吾年未四十。而視茫茫。而髮蒼蒼。而齒牙動搖。念諸父與



此段爲疑信之詞言其不應死而死卒歸咎于天與神與理哀傷之意也  
將信其死又疑其不死又傳者以爲死看他筆端真是寫出叔侄至情有不欲其死之意  
雖然一轉言已亦將死回顧上寄孟東野書之意詞愈悲而愈切矣

諸兄皆康疆而早世。如今之衰者其能久存乎。吾不可去。汝不肯來。恐旦暮死而汝抱無涯之戚也。孰謂少者歿而長者存。强者夭而病者全乎。嗚呼其信然邪。其夢邪。其傳之非其真邪。信也。吾兄之盛德而天其嗣乎。汝之純明而不克蒙其澤乎。少者强者而天歿長者衰者而存全乎。未可以爲信也。夢也。傳之非其真也。東野之書耿蘭之報何爲而在吾側也。嗚呼其信然矣。吾兄之盛德而天其嗣矣。汝之純明宜業其家者不克蒙其澤矣。所謂天者誠難測而神者誠難明矣。所謂理者不可推而壽者不可知矣。雖然吾



又恐其下不得成立益見愛之深

汝之子始十歲謂湘也吾

之子始五歲

謂昶也其後

湘登長慶三

年第昶登四

年第昶生綰

袞綰成通四

年進士袞士

年進士天之

所以昌韓之

後如此孰謂

不可與其成

立耶

此告之欲處

置其身後以

自今年來蒼蒼者或化而為白矣動搖者或脫而落  
 矣毛血日益衰志氣日益微幾何不從汝而死也死  
 而有知其幾何離其無知悲不幾時而不悲者無窮  
 期矣汝之子始十歲吾之子始五歲少而强者不可  
 保如此孩提者又可冀其成立耶嗚呼哀哉嗚呼哀  
 哉汝去年書云比得軟脚病往往而劇此或作吾曰  
 是疾也江南之人常常有之未始以為憂也嗚呼其  
 竟以此而殞其生乎抑別有疾而至斯乎斯下或極字汝  
 之書六月十七日也東野云汝歿以六月二日耿蘭  
 之報無月日或作蓋東野之使者不知問家人以月



慰死者之心

復叙哀痛之

情且自責其

不孝不慈不

不與相守而

分離更有感

慨意

教子嫁女又

慰死者之心

自是天理人

情中辨帖出

來

日如耿蘭之報不知當言月日今耿蘭之報所以無日月者由其不知赴

告之體當具日月以報也

東野與吾書乃問使者使者妄稱以應

之耳其然乎其不然乎今吾使建中祭汝弔汝之孤

與汝之乳母彼有食可守以待終喪則待終喪而取

以來如不能守以終喪則遂取以來其餘奴婢並令

守汝喪或作墓吾力能改葬終葬汝于先人之兆然後

惟其所願嗚呼汝病吾不知時汝歿吾不知日生不

能相養以共居歿不能撫汝以盡哀歛不憑其尸窆

下棺也不臨其穴憑上臨上或並有得字吾行負神明而使汝天

不孝不慈而不得與汝相養以生相守以死一在天



之○涯○一○在○地○之○角○生○而○影○不○與○吾○形○相○依○死○而○魂○不○  
與○吾○夢○相○接○吾○實○爲○之○其○又○何○尤○彼○蒼○者○天○曷○其○有○  
極○自○今○已○往○吾○其○無○意○于○人○世○矣○當○求○數○頃○之○田○于○  
伊○潁○之○上○以○待○餘○年○盡方作教○吾○子○與○汝○子○幸○其○成○長○  
吾○女○與○汝○女○待○其○嫁○如○此○而○已○嗚○呼○言○有○窮○而○情○不○  
可○終○汝○其○知○也○邪○其○不○知○也○耶○嗚○呼○哀○哉○尚○饗○

樓 昉曰文字反覆曲折悲痛悽惋道出肺腑中事

而盎然慈良之意見于言表

張以忠曰詞旨悽惻神情愴悼篇中隱痛處無限婉

折深下洒血躑躅



祭鰐魚文

文公能馴鰐魚之暴豈徒以其文哉精誠有以感之矣

今天子以下誇示唐家聲勢張大刺史威靈而復理以諭之勢以劫之曲盡其

維元和十四年四月二十四日潮州刺史韓愈使軍事衙權秦濟以羊一猪一投惡溪之潭水以與鰐魚食而告之曰昔先王既有天下烈山澤網繩獨刃音獨托指以除蟲蛇惡物為民害者驅而出之四海之外也及後王德薄不能遠有則江漢之間尚皆棄之以與蠻夷楚越况潮嶺海之間去京師萬里哉鰐魚之涵淹卵育于此亦固其所今天子嗣唐位神聖慈武四海之外六合之內皆撫而有之况禹跡所揜揚州之近地刺史縣吏之所治出貢賦以供天地宗廟百神



妙

此數句便得  
他心服

各義甚正筆  
力遒勁如問  
罪之師

此句又得他  
心服

此又令其產  
徙于海使之  
知所趨避而  
且假以時日  
使之從容悔  
過縱鱐魚無  
知亦將俛首  
遠避矣

之。祀。之。壤。者。哉。鱐。魚。其。不。可。與。刺。史。雜。處。此。土。也。刺。  
史。受。天。子。命。守。此。土。治。此。民。而。鱐。魚。睥。然。不。安。溪。潭。  
據。處。食。民。畜。熊。豕。鹿。麋。以。肥。其。身。以。種。其。子。孫。與。刺。  
史。亢。拒。爭。為。長。雄。刺。史。雖。駑。弱。亦。安。肯。為。鱐。魚。低。首。  
下。心。仙。仙。覲。覲。為。民。吏。羞。以。偷。活。于。此。耶。且。承。天。子。  
命。以。來。為。吏。固。其。勢。不。得。不。與。鱐。魚。辯。鱐。魚。有。知。其。  
聽。刺。史。言。潮。之。州。大。海。在。其。南。鯨。鵬。之。大。蝦。蟬。之。細。  
無。不。容。歸。以。生。以。食。鱐。魚。朝。發。而。夕。至。也。今。與。鱐。魚。  
約。盡。三。日。其。率。醜。類。南。徙。于。海。以。避。天。子。之。命。吏。三。  
日。不。能。至。五。日。五。日。不。能。至。七。日。七。日。不。能。是。終。不。



與上鰐魚有知句相應

到此不可起之

結尾似司馬相如論巴蜀文

肯徙也是終不有刺史聽從其言也不然則是鰐魚  
冥頑不靈刺史雖有言不聞不知也夫赦天子之命  
吏不聽其言不徙以避之與冥頑不靈爲民物害者  
皆可殺刺史則選材技史民操彊弓毒矢以與鰐魚  
從事必盡殺乃止其無悔

樓 昉曰辭嚴氣正直可感動鰐魚

林希元曰祭一鰐魚而義理正大曉諭嚴切殆與商  
盤周誥相表裏或謂唐文之下于漢以此  
文較觀未見其然也

張以忠曰公能馴鰐魚之暴固是精誠足以感之至



工自其辭理之卓音調之二更目高絕



李翱平賦書

言者稅什一  
凶年補敗不  
外求而上下  
交足雖累凶  
年民弗病也  
此文鑿有根  
據確可施行  
非迂腐不知  
世務者可以  
倫比

既曰平賦當  
說理財而乃  
曰理人此何  
等本領

孔子曰道千乘之國敬事而信節用而愛人使民以  
時又曰若欲行而法則周公之典在孟子曰夏后氏  
五十而貢殷人七十而助周人百畝而徹其實皆什  
一也欲輕之於堯舜之道大貉小貉也欲重之於堯  
舜之道大桀小桀也是以什一之道公私皆足人既  
富然後可以服教化反淳朴古之聖賢未有不善於  
爲政理人而能光于後代者也故善爲政者莫大於  
理人理人者莫大於既富之又教之凡人之情莫不  
欲富足而惡貧窮終歲不製衣則寒一日不得食則



安既不得享  
其利危又焉  
肯盡其力二  
語危悚大足  
規切時政

饑○四○人○之○苦○者○莫○甚○於○農○人○。麥○粟○布○帛○農○人○之○所○生○  
也○。歲○大○豐○農○人○猶○不○能○足○衣○食○。如○有○水○旱○之○災○。則○農○  
人○先○受○其○害○。有○若○曰○。百○姓○不○足○。君○孰○與○足○。夫○如○是○。百○  
姓○之○視○其○長○上○。如○仇○讎○。安○既○不○得○享○其○利○。危○又○焉○肯○  
盡○其○力○耶○。自○古○之○所○以○危○亡○。未○有○不○繇○此○者○也○。人○皆○  
知○重○歛○之○爲○。可○以○得○財○。而○不○知○輕○歛○之○得○財○愈○多○也○。  
何○也○。重○歛○則○人○貧○。人○貧○則○流○者○不○歸○。而○天○下○之○人○不○  
來○。由○是○土○地○雖○大○。有○荒○而○不○耕○者○。雖○耕○之○而○地○力○有○  
所○遺○。人○日○益○困○。財○日○益○匱○。是○謂○棄○天○之○時○。遺○地○之○利○。  
竭○人○之○財○。如○此○者○。雖○欲○爲○社○稷○之○臣○。建○不○朽○之○功○。誅○



語錄切

與前段議論  
相照千古不  
易

又揭出仁義  
二字大本領

暴逆而威四夷。徒有其心。豈可得耶。故輕歛則人樂  
其生。人樂其生。則居者不流。而流者日來。居者不流。  
而流者日來。則土地無荒。桑柘日繁。盡力耕之地。有  
餘利。人日益富。兵日益彊。四隣之人。歸之如父母。雖  
欲驅而去之。其可得耶。是以與之安。而居則富。而可  
教。與之危。而守則人皆自固。孟軻所謂率其子弟。攻  
其父母。自有生人以來。未有能濟者也。嗚呼。仁義之  
道。章章然如大道焉。人莫不知之。然皆不能行。何也。  
見之有所未盡。而又有嗜欲以害之。其自任大多。而  
任人太寡。是以有土地者。有仁義無代無之。雖莫不



留心世道唐  
朝第一流人  
物  
規畫間架整  
飭方嚴

知之。然而未有一人能行之。而功及後代者。繇此道也。秦滅古法。墮井田。而夏殷周之道廢。相承滋久。不可卒復。翺是以取可行於當時者。為平賦書。而什一

之法存焉。庶幾乎能有行之者云耳。

凡為天下者。視千里之都。為千里之都者。視百里之

州。為百里之州者。起於一畝之田。六尺謂之步。古者

為步。古之尺小。為茲時之尺。四尺八寸。則方一二百

步。為古之方。一步。餘三百六十二分五厘也。

有四十步。謂之畝。古者步百為畝。與此時不同。從俗

畝三百有六十步。謂之里。古者畝百為夫。夫三為屋

也。三星方三百步。為一里也。方里之田。五百有四十

一里之田。九夫。夫頃異名也。



畝。畝百為頃。五頃四十畝也。古之里雖小其畝又加  
 小。所以古之方一里為田九頃。茲時方一里為田  
 五頃。四十畝為古之田。十里之田五萬有四千畝。  
 十六頃有二十畝也。百里之州五十有四億畝。  
 四十頃也。為古之田。百里之州五十有四億畝。  
 一千六百二十畝也。千里之都五十有四百億畝。  
 頃也。為古之田。一千里之都五十有四百億畝。  
 十六萬二千頃也。一千里之都五十有四百億畝。  
 萬頃也。為古之田。一千里之都五十有四百億畝。  
 千六百二十萬頃也。一千里之都五十有四百億畝。  
 路牛豚之所息。蔥韭蔬菜之所生。植里之家給焉。  
 方一里為井。為田九百畝。農夫八家各受田百畝。公  
 田八十畝。八家同養公田。公事畢然後理私田。詩曰  
 雨我公田。遂及我私。餘田二十畝為閭。井屋室茲時  
 里既加大一畝之田為古之田。二畝千畝之田為古  
 之田。三千畝校其凡百里之州為方十里者百州縣  
 多少亦相若矣。

城郭之所建通川大塗之所更丘墓鄉井之所聚



詳而核典而古

密

精

壁畫有手經  
濟在心

遂溝瀆之所渠大計不過方十里者三十有六有田  
一十九億四萬有四千畝一萬九千四百四十頃也百里之家給  
焉千里亦如之高山大川則槲其中斬長綴短而量  
之一畝之田以強并弱水旱之不時雖不能盡地力  
者歲不下粟一石公索其十之一凡百里之州有田  
五十有四億畝以一千九億四萬有四千畝爲之州  
縣城郭通川大途畎遂溝澮丘墓鄉井屋室徑路牛  
豚之所息葱韭蔬菜之所生植餘田三十四億五萬  
有六千畝三萬四千五百六十頃也畝率十取粟一石爲粟三十  
四萬五千有六百石以貢於天子以給州縣凡執事



胸中善畫了  
了分明

者之祿以供賓客以輪四方以禦水旱之災皆足于  
是矣其田間樹之以桑凡樹桑人一日之所休者謂  
之功桑太寡則乏于帛太多則暴于田是故十畝之  
田植桑五功一功之蠶取不宜歲度之雖不能盡其  
功者功不下一匹帛公索其百之十凡百里之州有  
田五十四億畝以一十九億四萬有四千畝爲之州  
縣城郭通川大途畎遂溝澮丘墓鄉井屋室徑路牛  
豚之所息葱韭菜蔬之所生植餘田三十四億五萬  
有六千畝麥之田大計三分當其土卑不可以植桑  
餘田二十三億有四千畝樹桑凡一百一十五萬有



疾

如親業其事者

二千功。功率十取一。匹帛帛一十一萬五千有二百。匹以貢於天子。以給州縣凡執事者之祿。以供賓客。以輸四方。以禦水旱之災。皆足于是矣。鰥寡孤獨。有不人疾者。粟帛能自給者。弗征其田。桑凡十里之鄉。爲之公困焉。鄉之所入于公者。歲十舍其一。于公困。十歲得粟三千四百五十有六石。十里之鄉。多人者。不足千六百家。鄉之家保公困。使勿偷饑。歲并人。不足于食量家之口。多寡出公困與之。而勸之蠶。以須麥之升焉。及其大豐。鄉之正告鄉之人。歸公所與之畜。當戒必精。勿濡。以內于公困。窮人不能歸。



經義大手段

此當而後教  
之古

頌畫名言

引詩証結

者與之勿微于書則歲雖大饑百姓不困于食不死  
于溝洫不流入于他矣人既富樂其生重犯法而  
易爲善教其父母使之慈教其子弟使之孝教其在  
鄉黨使之敬讓羸老者得其安幼弱者得其養鰥寡  
孤獨有不人疾者皆樂其生屋室相隣烟火相接于  
百里之內與之居則樂而有禮與之守則人皆固其  
業雖有強暴之兵不敢陵自百里之內推而布之千  
里自千里而被於四海其孰能當之是故善爲政者  
百姓各自保而親其君上雖欲危亡弗可得也其在  
詩曰迨天之未陰雨徹彼桑土綢繆牖戶今此下民



古今文統 卷十一  
或敢侮予。此之謂也。

張以忠曰國家賦平則公私不匱兵食兩足富強之  
効可立致者讀此篇文可見井田兵法之  
祖古人原不是鑿空語○規制精詳具大  
經畫

又曰去佛齋復性三書見公學術之正平賦書  
見公治理之密



韓昌黎以文章事屬意于  
翺而猶嫌其未謝塵事蓋  
古文詞之難言如此

此亦是責條  
賢者然焉用  
彼相之詞得  
毋太激乎

一語汗下

# 論事于宰相書

凡居上位之人皆勇于進而懦于退但見已道之行  
不見已道之塞日度一日以至于黜退奄至而終不  
能先自爲謀者前後皆是也閣下居位三年矣其所  
合于人情者不少其所乖于物議者亦已多矣奸邪  
登用而不知知而不能去柳泌爲刺史疏而不止韓  
潮州直諫貶責諍而不得道路之人咸曰焉用彼相  
矣閣下尚自恕以爲猶可以輔政太平雖枉尺猶能  
直尋較吾所得者不啻補其所失何足遽自爲去就  
也切惟閣下能容忍亦已甚矣昨日來高枕不寐靜



我若引退誰輔太平自是君子意中情事以後代爲寬解一步緊一步  
劉軻上崔相公曰焉知太  
目心者不磨  
勇養氣徒相  
公呼而出之  
耳又云至于  
中間豈無姚  
宋之相耶何  
說者局于四  
而不至于五  
六耶

爲閣下思之。豈有宰相上三疏而止一邪人而終不  
信。閣下天資畏慎。又不能顯辨其事。忍恥署敕。內愧  
私歎。又將自恕曰。吾道尚行。吾言尚信。果我爲賢相  
矣。我若引退。則誰能輔太平邪。是又不可之甚也。當  
貞觀之初。房杜爲相。以爲非房杜則不可也。開元之  
初。姚宋爲相。以爲非姚宋則不可也。房杜姚宋之不  
爲相。亦以久矣。中書未嘗無宰相。然則果何必于房  
杜姚宋。況道不行。雖臯陶伊尹。將何爲也。房杜姚宋  
誠賢也。若道不行。言不信。其心所爲賢者。終不敢不  
進其心所爲邪者。終不敢不薦。而許敬宗李義府同



者○去○留○閑  
係○國○家○重○輕  
大○臣○不○去○抑  
或○有○道○然○此  
正○未○可○爲○苟  
安○者○藉○口  
可○謂○愛○人○以  
德○者○矣

列○用○事○言○信○道○行○又○自○度○智○力○必○不○足○以○排○之○矣○則  
將○自○引○而○止○乎○將○坐○而○待○黜○退○乎○尚○自○恕○苟○安○于○位  
乎○以○閣○下○之○明○度○之○當○可○知○矣○凡○慮○已○事○則○不○明○斷  
他○人○事○則○明○已○私○而○他○人○公○勇○易○斷○也○承○閣○下○厚○知  
受○獎○擢○者○不○少○能○受○閣○下○德○而○獻○盡○言○者○未○必○多○余  
幸○蒙○以○國○士○見○目○十○五○年○餘○矣○但○欲○自○竭○其○分○耳○聽  
與○恠○在○閣○下○裁○之○而○已○

張○以○忠○曰○是○時○崔○裴○二○公○居○相○位○翽○此○書○不○知○與○誰  
然○猶○責○備○若○此○況○其○下○者○乎○請○今○日○直○閣  
相○公○各○書○一○通○座○右○往○復○深○維○藥○石○不○小



古今文統

卷二

四



烈日嚴霜之  
筆耀星閃電

掇一作繫

之章公文較

韓吏部更峻

藥而元氣虧

益亦稍刻薄

笑

字字卓絕固  
鉅琢之精亦  
筆性之妙

事○故○書○高○祖○殺○建○成○李○勣○立○皇○后○盂○氏○者○何○忘○諫○贊○惡○懲○廢○命○也○  
李○勣○爲○顧○命○大○臣○儻○堅○諫○不○奪○高○宗○不○敢○立○武○氏○爲○后○故○書○李○勣○立○皇○后○盂○氏○起○皇○后○已○



濁亂顛倒之事淹抑不伸

之氣當年未經釐革不有

史臣援直筆其誰正之

廢之魂上配天皇者何登嫌黜豕不可謂順予懼後

世疑於禘裸也高宗廢王后立武后乃貞觀侍女何

后存嫌于條天后擅政之年下繫中宗者何紫色閨

位不可為正予懼後世牽以稱臨也天后改元即真

號及行事繫于中宗示崔察賊殺中書令裴名犯武

者何詭譎梯亂肇殺機也裴為顧命大臣屢白天后

若不有異謀何故白太后歸政天后遂發怒張守珪

以安祿山叛者何貸刑佛教稔禍階也祿山乃張守

令張曲江令守珪案之守珪不從卒使亂稱天下殺

者何罪暴天下示眾與殺也稱天子殺者何死非其

天下殺天子殺奇對



結撰整造語  
嚴而識力更  
老

人藉筆以生  
死兼筆者可  
勿慎與

罪示衆不與殺也臣或不書卒者何不以直終去卒  
以示貶也君或不書葬者何不以正終去葬以示譏  
也懼怠去瑞示戒志沴尚德必書賤尸位則黜貴皆  
所以歐邪合正俾歸大義按前所謂起王后配天皇  
條天后年號行事繫于中  
宗之類是也操實寘例以示懲勸前所謂李勣立皇后武  
氏張守珪以祿山叛之  
也類是嗚呼宰相升沉人于十數年間史官出没人于  
千百歲後是史官與宰相分挈死生權也爲史官者  
不能忤直骨於枯墳鬱諂魄於下泉磨毫黷扎叢閣  
飽帙豈國家任史官意耶樵旣序其略授其友高錫  
望傳之矣



張以忠曰清峭高卓而筆法嚴峻當是一代文龍柳  
韓二公而後此爲繼武



與高錫望書

與王霖書樵  
嘗得為文真  
訣於來無擇  
來無擇得之  
於皇甫持正  
皇甫持正得  
之於韓吏部  
退之云王鏊  
序其文曰凡  
為文必有法  
近世文章以  
昌黎公為聖  
其法自柳柳  
州外鮮克知  
者昌黎授之  
皇甫持正持  
正授之來無  
擇無擇授之

文章如面。史才最難。到司馬子長之地。千載獨聞得。  
楊子雲。唐朝以文索士。二百年間。作者數十輩。獨高  
韓吏部。吏部修順宗實錄。尚不能當班堅。其能與子  
長子雲相上下乎。足下乃小史。尚宜世嗣史法。矧足  
下才力雄。獨意語橫闊。嘗序義復岡及樂武事。其說  
要害在樵。宜一二百言者。足下能數十字。輒盡情狀。  
及意窮事際。反若有千百言。在筆下。足下齒髮未及  
壯。其所得如此。則不知子長子雲當足下年齒時。文  
章果何如也。然足下所傳史法。與樵所聞者異耶。古



孫可之可之  
卒其法中絕  
其後歐蘇崛  
起各以所長  
振動一世亦  
多脗合臨川  
荆公得之獨  
深視韓差狹  
耳少讀持正  
可之文指不  
得其全後獲  
秘閣本手錄  
以歸

是作史人本  
領

史○有○值○事○俚○言○者○有○文○飾○者○乃○特○紀○前○人○一○時○語○以○  
立○實○錄○非○為○俚○言○奇○健○能○為○筆○史○精○魄○故○其○立○言○序○  
事○及○出○沒○得○失○皆○字○字○典○要○何○嘗○以○俚○言○汨○其○間○哉○  
今○世○俚○言○文○章○謂○得○史○法○因○牽○韓○吏○部○曰○如○此○如○此○  
樵○不○知○韓○吏○部○以○此○欺○後○學○耶○韓○吏○部○亦○未○知○史○法○  
耶○又○史○家○紀○職○官○山○川○地○理○禮○樂○衣○服○亦○宜○直○書○一○  
時○制○度○使○後○人○知○某○時○如○此○某○時○如○彼○不○當○以○禿○屑○  
淺○俗○則○取○前○代○名○品○以○就○簡○絕○夫○史○家○條○序○人○物○宜○  
存○警○訓○不○當○徒○以○官○大○寵○濃○請○文○張○字○故○大○惡○大○善○  
雖○賤○必○紀○尸○生○浪○職○雖○貴○得○黜○至○如○司○馬○遷○序○周○繆○



風霜之口

各任憎愛手  
出白黑一時  
尚不足取信  
何況聖後

班孟堅傳蔡義尚可用耶爲史官者明不顧刑辟幽  
不見神恠若梗避於其間其書可燒也古者國君不  
得視史今朝廷以宰相監撰大丈夫當一時寵遇皆  
欲齊政房杜躋俗太平孰能受惡於不隱乎古者七  
十子不與筆削今朝廷以史館叢文士儒家擅一時  
胸臆皆欲各任憎愛手出白黑孰能專門立言乎樵  
未知唐史誠何如也樵雖承史法於師又嘗熟司馬  
遷楊子雲書然才韻枯梗文過乎質嘗序廬江何易  
于首末千言貴文則喪質近質則太禿刮垢磨痕卒  
不到史獨謂足下才力天出最與史近故以樵所授



於師者致足下。

張以忠曰體潔而貴氣儔而越一種峭拔之致橫厲  
無方傑然獨往



文甚古蔚

此字實真文

章

樵非獨為古

蜀言也目今

九大鎮大率

類此耳文亦

雄傑可喜

有態

# 書田將軍邊事

背臨邛南馳越二百里得嚴道郡實與沈黎越雋俱  
 為邊城逼於羣蠻田在賓將軍刺嚴道三年能條悉  
 南蠻事為樵言曰巴蜀西逼於戎南逼於蠻宜其有  
 以制之者當廣德建中間西戎兩飲馬於岷江其衆  
 如蟻前鋒魁健皆擐五屬之甲持倍尋之戟徐呼按  
 文粹作接步且戰且進蜀遇鬪如植橫堵羅戈如林發矢  
 如蠱皆折乃失集作吞鏃不能斃一戎而況陷其陣乎  
 然其戎兵踐吾地日深而疫死者日衆即自度不能  
 留亦輒引去故蜀人為之語曰西戎尚可南蠻殘我



無琢字練句之跡而字句自起過尋常昂然度越

當思救弊之策奈何循循然不知慮也

自南康公鑿青溪道以和羣蠻俾繇蜀而貢又擇羣蠻子弟聚於錦城使習書算業就輒去復以他繼如此垂五十年不絕其來則其學於蜀者不啻千百故其國人皆能習知巴蜀土風山川要害文皇帝三年南巢果能大入成都門其三門大入成都是一句門其三门是一句今文粹集本盡削其三门三字而云大入成都門乃不成語賴英華可證其非四日而旋其所剽掠自成都以南越雋以北八百里之間民畜爲空加以敗卒貧民持兵羣聚因緣劫殺官不能禁繇是西蜀十六州至今爲病自是以來羣蠻常有屠蜀之心居則息畜聚粟動則練兵講武集作戰非而又俾其習



李丞相固言  
鎮西蜀時有  
編民李權者  
遣子齋書通  
蠻言蜀無備  
可取狀邊戍  
搜獲之按問  
得實棄市至  
今或有踵其  
所為者

每歲當給帛  
王將輒先市  
輕帛以易重  
帛然後散諸

於蜀者伺連帥之間隙察兵賦之虛實或聞蜀之細  
民苦於重徭且將啓之以幸非常吾不知羣蠻此舉  
大劔以南為國家所有乎且每歲發卒以戍南者皆  
成都頑民飽稻飫豕十九如瓠雖知鉦鼓之數不習  
山川之險吾常伺其來朔風正嚴緩步坦途日次一  
舍固已呀然汗矣而況歷重阻即嚴程束甲而趨拔  
戟而鬪邪加以為將者刻薄以自入餽運者縱吏而  
一作鼠竊縣官當給帛則以苦文粹作疎而易良當賑粟  
則以砂而參粒如此則邊卒將怨望之不暇又安得  
集作殊死而力戰乎此巴蜀所以為憂也樵曰誠如



地不當給糧  
下吏必先盜  
其米然後以  
砂補其數以  
給邊卒以此  
為恨

將軍言苟為國家計者孰謂詔嚴道沈黎越雋三城  
太守俾度其要害按其壁壘得自募卒以守之且兵  
籍於郡則易為役卒出於邊則習其險而又各於其  
部繕相美地分卒為屯春夏則耕蠶以資其衣食秋  
冬則嚴壁以俟其寇虜連帥即能督之歲遣廉白吏  
視其卒之有無効其守之不法者以聞如此則縣官  
無饋運之費奸吏無因緣之盜兵足食給卒集有無  
怨於將軍則如之何四字集田將軍曰如此何患言  
卒遂書作何如

張以忠曰籌西蜀利害俱有名思石畫而筆更峻絕



此是實落有  
用文章可病  
漢書魏相明  
堂月令等篇  
並讀然彼專  
言政令乖和  
此言用心乎  
頗尤為探本  
之識

# 迎春奏

黑帝歷窮。帝命青帝嗣其公。以其無私皇帝備牲牢鼓鐘。  
迎饗于郊東。賤臣樵寓疏太常。上奏曰。天有四時。陛  
下實行之。是天乘陛下政令明昏。而為煥寒也。青帝  
何功而饗乎。寬空春之日。陛下廩以時出。帛以時卹。  
財孽牙孽拔。勾萌畢達矣。夏之日。陛下農事無所奪。  
山麓無所伐。則草木壯茁。國無夭札矣。秋之日。陛下  
獄無曲次。畋無圍殺。則霜露不失節。萬物固結矣。冬  
之日。陛下地氣不掘洩。室屋不徹發。則豐隆不敢繫。  
越百蟄塞穴矣。聖人之時。日南無驕陽。啟蟄無繁霜。



浩語奇峭亦  
復備未

斗北無伏陰火西無滯霖淫昏之世反膏而波春行

大水發反水能李花電傷螟嚙夏行冬令則

飛散旱赤雨秋行夏令則雨血是陛下政令出乎

修明則寒暑進行政令出乎淫昏則災祥屢臻其可

固時布德太  
本領語

忽乎臣又聞陛下與人為春得革慘作和起音生

率喜滿其家次穆歡咳如暖景時開樹色烟光覺葱

龍芳蒼陛下與人為秋得愁刮人魄風日冷白慄慄

蕭索覺庭槐枯落陛下與人為夏得變絺成襦噓燼

作爐駒驅轍結雜巡噎襖門如三伏熱陛下與人為

冬得舉皆不見日凍薄人骨間間感感燈青火白門

陰陽者王事  
之本羣生之  
命自古聖帝  
明王未有不  
不繇者也



讀之則然

名語光天壤

無○蹄○轍○跡○顧○陛○下○左○右○皆○春○天○下○病○悴○者○衆○也○陛○下○  
肘○腋○皆○熱○中○國○病○凍○者○衆○也○豈○陛○下○用○心○有○頗○焉○陛○  
下○苟○能○平○其○心○雖○澤○不○周○惠○不○均○天○下○無○恨○言○不○然○  
天○將○視○陛○下○心○而○燠○寒○也○

張以忠曰奇矯清勁絕類超塵而文極諄切大有關涉



古今文統

卷十一

四



楊綰疏古人  
比文章於鄭  
衛六經則未  
嘗開卷三史  
則皆同挂壁

薛登舉擇賢  
才疏連篇累  
牘不出月露  
之形積案盈  
箱盡是風雲  
之狀又曰上  
啟陳詩惟希  
咳唾之澤摩  
頂至足冀荷  
提攜之恩可

# 舒元興上論貢士書

臣年二十三學文成立爲州縣察臣。臣得備下土貢  
士之數。到闕下月餘待命有司。始見貢院懸版樣立  
束縛檢約之目。勘磨狀書。劇責與吏胥等倫。臣幸狀  
書備。不被駁放。得引到尚書試。試之日。見八百人盡  
手攜脂燭水炭。泊朝脯餐器。或荷於肩。或提於席。爲  
吏胥縱慢聲大呼其名氏。試者突入棘園。重重乃分  
坐。廡下寒餘雪飛。單席在地。嗚呼。唐虞闢門。三代貢  
士。未有此慢易者也。臣見今之天下貢士。既如此。有  
司待之。又如此。乃益大不信古聖人言。及覩今之甲



以參觀

此一段詞氣  
激切持議高  
卓可謂砥時  
正論

賦律書皆是偷折經誥侮聖人之言者乃知非聖人之徒也臣伏見國朝開進士一門苟有登升者皆資之爲宰相公侯卿大夫則此門固不輕矣凡將爲公侯卿相者非賢人君子不可有司坐舉子於寒廡冷地是比僕隸已下非所以見徵賢之意也施棘圍以截遮是疑之賊奸徒黨非所以示忠直之節也試甲賦律書是待之以雕蟲微藝非所以觀人文化成之道也有司之不知其爲弊若此臣恐賢人君子遠去不肖汚辱爲陛下用且指近陳之今四方貢珠玉金銀有司則以篋篚皮幣承之貢賢才俊又有司以單



空言具文古  
今一轍

席冷地承之。是彰陛下輕賢才而重金玉也。賢才耻  
之。臣亦耻之。臣又見每歲禮部格下天下。未有不  
察訪行實。無頗邪。然後上貢。苟不如格。抵罪舉主。臣  
初見之。竊獨心賀。謂三代之風。必作於今日矣。及格  
既下。而法不下。是以歲有無藝。朋黨譁然。扇突不可  
絕。此又惡用格爲徒亂人耳。又於格中程之人數。每  
歲多者。固不出三十。少或不滿二十。此又非天子納  
士之心也。何以言之。今日月出沒。皆爲陛下內地。自  
漸海流沙朔南。周環綿億萬千里。其間異氣所鍾。生  
英豪俊彥。固不少矣。若陛下明詔。必以禮舉之。忽一



快心之談然  
不拘之以格  
則柄國之臣  
時得任意增  
損其弊又不  
可勝言

士固有志固  
將激昂青雲  
俯視名位寧  
窮而伸吾節  
無進而卑其  
躬

歲之內有百數元凱楊馬之才德者來之則有司必  
曰吾格取二十而黜八十是謂求賢邪遺賢邪若有  
司以僕隸待之忽一歲之內負才德來者無十數輩  
則有司必曰吾拔二十是謬收其半徒足滿人數是  
爲取才邪是爲取合格邪其不可先定人數亦昭昭  
矣陛下無以臣迹在貢士中疑臣自謂臣雖不敏竊  
窺太常一第不爲難得何以明之若使臣爲今日貢  
士之卑僻巧佞馳騫關鍵固臣之力所不能也  
耻不爲也故互以頑才干有司得之固無忝不得則  
納履而去蹤跡巢由以樂陛下熙熙之化何往而無



泉石之怪哉。

張以忠曰三代以前闢門籲俊旁求咨訪遠不復論  
迨至兩漢下詔郡國舉士或賢良方正或  
博學宏詞或茂材異等上則有徵聘有辟  
召士則有對策有上書未有科目策試之  
設也帖括取士自李唐始唐所立科目前  
後七十餘條大約所崇者詩律賦詞古人  
言揚行舉之典漸不復聞矣况又待士卑  
薄有志之士寧不扼腕此書痛言極論非  
戇非激而發抒暢盡



古今文系

卷一

三



柳伉請誅程元振疏

忠臣烈士安得不血淚湧  
將帥叛公卿  
叛三輔反四  
海叛皆德宗  
自召千人何  
尤

臣出身事君。忝備近密。夙有志願。銘之在心。若遭艱  
危。必歿王事。當今日之際。是臣死之秋。將死之言。庶  
裨萬一。特乞陛下。少垂聽覽。則甘就鼎鑊。且天生四  
夷。皆習戰鬪。輕走易北。獨有大戎。數萬之師。犯關度  
隴。歷秦渭。牧邠涇。曾不血刃。直至城闕。館穀向有三  
載。綿地數踰千里。謀臣不為陛下陳一言。武士不為  
陛下效一戰。各携卒伍。剽劫閭閻。汗辱宮闈。燒焚陵  
寢者。何故此將帥之心。叛陛下也。自朝義東滅。迴紇  
北歸。陛下以為智力所能。神明所贊。委權近貴。失意



神傷語勵

寡助之至

此致叛之本  
說到此安得  
不悚動而悔  
禍哉

元勲日引月長浸成大禍陛下侍臣載路多士盈庭  
竟無一人折檻牽裾犯顏迴慮至使北捐汾浦西失  
秦川者何故此公卿之心叛陛下也陛下出城之日  
鑾駕未動京師百姓劫奪府庫城外百姓更相殺戮  
者何故此三輔之心叛陛下也自九月二十八日聞  
有警急十月一日下詔徵兵至今凡四十日矣天下  
兵一人不至何故此四海之心叛陛下也臣實知之  
請言其故何者天下之心皆恨陛下不練士卒踈遠  
賢良委任宦官離間將相以至於此陛下必欲救今  
日之急存宗廟社稷即請斬元振之首懸示天下盡



循此數言便  
足爲中興令  
主

罪已以收人  
心此第一策

出內使配隸諸州以朝恩勲勞留在左右仍以神策  
兵馬迴付漢官使朝臣百寮每日坐議左右使令盡  
用文武然後大下明詔削去尊號引過歸已深自刻  
責誓與下寮將相率德勵行後宮嬪妃且移別院與  
宰相已下晝夜論政下詔云若天下勲臣知予自新  
許予改過即召募將士來赴朝廷若以爲舊惡未悛  
修身有闕則帝王大器敢妨聖賢聽天下所往也陛  
下若納臣此言行臣所請一月之內天下兵馬若不  
雲集闕下臣請闔門寸斬以謝陛下伏乞陛下讀臣  
此表一二十遍親與朝廷商量事若可行則自處置



不用露臣此表。臣今日上表。即知萬死。但願行之死。無所恨。陛下若違臣所請。更無長策。社稷重事。伏惟陛下審圖之。

張以忠曰。極陳痛說。血誠可鑒。



此文如長江  
大河渾灝流  
轉

攻守二字說  
得開

此扁意思層  
疊詞意渾厚  
悉唐文之尤  
粹者

# 牛僧孺守在四夷論

傳曰古者天子守在四夷。蓋言能令四夷不侵。咸自  
守境。洎周漢迄隋。多不知守身。但欲四夷自守。殊不  
知四夷自守。國內皆成四夷也。因著論以明之。何者。  
夫守之大旨。以防攻也。善防其攻者。莫若防其敗。善  
防其敗者。莫若防其亡。夫四夷不守境。不過於略地。  
侵城。是有敗無亡也。若王者之貴。如天如地。苟落一  
星。伐一樹。不足損天地之光耀。蓋帝王之權。能殺人。  
能生人。能達人。能窮人。能貧人。能富人。一國之人。思  
之。必伺君好而贊之。雖似親之。其實攻之。王者守大



見得深透

復推入氣沛  
而勢宕

二語轉入最  
緊醒

國。淪。非。道。是。則。不。見。敗。而。有。亡。也。況。四。夷。之。攻。至。難。  
者。有。四。國。人。之。攻。至。易。者。亦。有。四。四。夷。之。攻。以。白。刃。  
國。人。之。攻。以。巧。言。四。夷。之。攻。以。鼓。鼙。國。人。之。攻。以。秘。  
隱。四。夷。之。攻。以。兵。相。害。國。人。之。攻。以。矯。相。親。四。夷。之。  
攻。以。兵。相。侵。國。人。之。攻。以。矯。相。益。故。觀。白。刃。則。懼。而。  
思。守。也。聆。巧。言。則。悅。而。思。受。也。聽。鼓。鼙。則。警。而。思。備。  
也。遇。秘。隱。則。惜。而。思。述。也。逢。相。害。則。恚。而。思。讐。也。見。  
相。親。則。惑。而。思。近。也。值。相。侵。則。忿。而。思。報。也。得。相。益。  
則。喜。而。思。隣。也。攻。邊。則。人。人。思。守。也。攻。身。則。人。人。思。  
受。也。抑。人。情。之。常。非。所。鑽。鑿。而。異。也。且。王。者。之。守。有。



歷舉其攻之  
甚于四夷者

下又段段引  
證典切純正

結斷有力止  
舉幽王折証

六失。守之不固。則非道。攻之。守之不貞。則色。攻之。守之不若。則聲。攻之。守之不廉。則聚。歛。攻之。守之不儉。則奢侈。攻之。守之不正。則邪。佞。攻之。守之不仁。則征伐。攻之。夏捨淑德而嬖姝喜。是色。攻而亡也。商捨德音而耽情情。是聲。攻而亡也。周厲捨廉節而悅榮夷公。是聚。歛。攻而亡也。秦皇捨節儉而起阿房。是奢侈。攻而亡也。漢靈捨正直而用刑臣。是佞。倖。攻而亡也。隋煬捨慈仁而事遼東。是征伐。攻而亡也。自夫王者。百代無四夷之攻而亡者。皆以守身不謹。爲嗜欲所攻。故也。雖得四夷自守。復何益哉。或云幽王自以爲



犬戎五胡尚  
不關于四夷  
是極弊目處

犬戎所滅。僧孺以爲幽王自以守道不固。頻舉僞烽。  
嗷嗷天下。空於杼軸。加以褒姒色攻。諸侯不信而敗。  
非獨繇於四夷也。至於晉十六國。稽其本則禍生於  
惠帝也。賈后以色攻。賈謐以佞攻。致令八王並興。生  
人減半。然後戎夷乘間。敢有窺覷。可謂四夷先起於  
內。不繇四夷不守於外也。故有德者先守其身。而後  
四夷無德者。不先守身。但令四夷自守。曾不防戎狄。  
在其國中。故攻秦之胡者。二世也。豈必東夷南蠻西  
戎北狄哉。沈尹戌雖舉守四夷之言。而不知守身之  
道。是載華而略實。非垂範之旨也。因文字以附簡編。



之闕。

張以忠曰沈尹戍謂天子守在四夷蓋明其德足及  
遠非專事四夷之謂也牛僧孺謂不及守  
身為非垂範之旨似過翻駁而文固精醒  
雄快可作宸箴







此夕結調布  
詞潭濃淋瀝  
乃有自抄

迴無心子散  
人等自傳

起手似講道  
學忽焉出奇

陸希聲君陽遁叟山居記

遁叟以斯世方亂遺榮于朝築室陽羨之南而遁跡  
焉地當君山之陽東溪之上占謂之湖洑渚遁叟既  
以名自命又名其山曰願山澤曰蒙溪將以願養蒙  
昧也在易願之象☶艮為山山下有震震為雷為龍  
願山之下東走震澤震雷魚龍之所萃毓有願象焉  
蒙之象☶亦艮為山山下有坎坎為水為險願山之  
下泉流于險而達于大溪有蒙象焉一旦遁叟觴谿  
山之神于庭酌而飲願山曰吾之所以命夫山之為  
願者勗子以養也子其養雲雨以潤物養霧露以生



不窮

閨埤異博圖

稱奇暢然竟

讀之格力卑

竟不如韃柳

韓高邁柳姿

潔以此較彼

風斯在不矣

古今文統

卷十二

三

物○養○風○霆○以○長○物○養○霜○雪○以○肅○物○養○巨○材○以○充○棟○宇○  
養○小○材○以○爲○蒸○薪○養○茅○管○以○爲○茨○藉○養○竹○箭○以○爲○器○  
用○養○百○果○以○充○口○腹○養○百○藥○以○蠲○札○瘥○養○昆○蟲○使○咸○  
樂○其○生○養○鳥○獸○使○各○遂○其○性○噫○無○或○養○妖○雲○悖○雨○以○  
傷○良○稼○養○苦○霧○淫○露○以○澤○惡○植○養○疾○風○迅○霆○以○摧○槁○  
朽○養○慘○霜○虐○雪○以○殺○根○芟○養○榛○臙○之○樸○不○爲○幹○材○養○  
鈞○棘○之○蘖○不○中○樵○爨○養○蔓○延○之○藟○以○困○條○柯○養○蟠○梗○  
之○根○以○固○膏○土○養○弗○食○之○實○以○蕃○庶○生○養○雜○毒○之○藥○  
以○中○函○氣○養○蟒○虺○蜂○蜴○以○護○巢○窟○養○豺○狼○梟○獍○以○害○  
羣○類○維○山○有○神○子○其○飲○之○無○虧○爾○名○而○窵○爾○實○又○酌○



竟成兩六比

文字風流滿

楮此昌黎之

風也

發揮順蒙二

義無遺

正說

而飲蒙溪曰吾所以命夫溪之爲蒙者勗子以決也  
子其決于夷壤以發其源決于塞埴以通其流決于  
腴畝以施其潤決于涸澤以溥其意決于廣陂使介  
鱗蕃育決于巨浸使蚪龍變化噫無或決于險阻以  
資其悍激決于林藪以縱其墊溺決于烏鹵以嗇其  
施決于池陂以專其利決于明竇使鼃蟹爲菑決于  
沮洳使鼃黽得志維谿有神子其飲之無喪爾名而  
浮爾實于是酌而自飲之吾之所以命是山也必將  
有所養也命是溪也亦將有所決也吾將養吾志于  
道而不希于世養吾行于得而不眩于俗養吾浩然



之氣以合自然之英。養吾誠明之意。以入清明之願。  
又將決吾心于仁義。使不違。決吾心于中正。使不過。  
決吾身于天命。使不憂。決吾跡于遁世。使無悶。如此  
而已。遂與山谿揖讓。竭吾歡而罷。并且歌曰。山乎谿  
乎。吾之心乎。醒乎醉乎。吾與汝叅乎。

張以忠曰。獨出心裁。神奇橫溢。







